



潘國勉學書院集卷九

綠筠軒稿

潘宣王西屏道人著

五言排律十三首

初夏懷黃崖岳翁遊宦關西久曠音問
虛齋清晝永遙憶客邊親入夢渾如昨含情未
可論關山天劃晉雲樹地連秦獲鯉當何日歸
鴻已度春裁書初欲寄倚檻復相詢漸使回腸

結寧將積素伸聲華看拱壁動止祝加珍西望
川途邈徘徊重愴神

午日泮池宴集親友調冰命酒值雨

重訂池畔社散帙各成章玉碗黃流注冰壺白
雪光蒲葵清一席符虎厭千祥墜樹朱榴艷盈
溪碧艾芳香傳花雨潤林散竹風涼四美歡方
洽酣歌幸勿荒

冬夜西林宴集用叔德平王岑翁韻為

弟安慶王西池東道賦客有趙方伯
栗僉憲謝山人在焉

勝遊金像地清梵一燈孤枚馬皆文士王楊幾
碩儒郢歌題彩帙藻句瑩冰壺壓雪雙林古凌
寒萬木枯忘年隨逆旅薄世任潛夫警露鳴棲
鶴驚風噪夜烏念空塵事歇禪定俗緣無况此
開蓮社多應詠慧珠

寄周衛陽黃門

制自雲霄下 恩同雨露臨
金門青靄合 瑣闥紫煙深
別宴經春草 封章待曉參
來儀克禮樂 納約漢規箴
雪後梅堪賦 風前花可吟
賞階靈氣應 蘭逕晚香侵
琴寫幽人調 詩傳大雅心
鏗然誰擊磬 海內幾知音

秋日寄懷呂南渠相公謝政

事業留鐘鼎 斯文摠薦紳
林泉新道侶 廊廟舊臣隣
自得烟霞趣 常將麋鹿馴
松風陶令樂 藻

句杜公倫斗北 看星潤箕南
養氣純宜麻 應可待旦夕下 楓宸

敕賜寶恩樓避暑晚晴遣興

寶閣啓彤扉 晴光雨後微
斷虹分幻影 斜日吐殘暉
向夕風清簟 餘滋露濕衣
道留麟鳳訣 符秘虎龍機

樓藏書藏

經等文

欽頒敕

敷澤遵王化 叨封近

帝畿仰歌周制雅 快覩漢恩輝
深愧東平業 猶箴衛武非
湘簾煩暑却 時自理桐徽

仲秋四日邀陳侍御瀛南宋大叅承山
趙兵臬桐岡遊五龍山晚歸漫詠

文物稱昭代賢良足勝遊
天香風處到靈魄月中留
雲淡千山晚煙微萬樹秋
華旂開碧落驄馬自皇州
賦美知心賞才雄意氣投
好將邀飲興清夜更登樓

賀鄭範溪兵臬禱雨有感

顛氣初流火風塵暗夕陽田疇垂弱頴川澤槁

餘芳雲失遠山翠煙生古樹蒼沛然清酷暑颯
矣送新涼才望推臺省歌謠起郡庠回天真自
許濟世及柴桑

詠瞻遠樓為宋承山大叅賦孝思也

東人

昭代衣冠域軒墀識鳳毛瞻雲開甲第陟岵念
劬勞簾捲江天濶窓虛海月高烏鴉啼客思萊
綵借宮袍旅夢風偏送鄉心景易撓不堪歌枕

東坡詩集卷九
處秋竹幾蕭騷

九日登眺有懷栗健齋方伯

自別經時久衝霄鴈度關煙波縈潞水霜葉滿
秦山才健詞章古心虛道義閑采萸田舍外分
菊野籬間遙望河梁隔孤霞天際還

賀崔中丞榆浦自大叅擢鎮山右

新詔出蓬萊恩光映上台覃威群虜伏歸化址
門開雪後頻看柳春前欲寄梅名垂雄策定聲

著壯圖恢碑勒兩隅地田耕百戰塚盡簪思昔
日今見濟川才

和講易會諸友集善上人精舍聯句二

十韻

物物明微顯叅真妙入禪水窮雲乍白氣屆歲
應玄結珮靈霞外傾樽法象前三身初自定四
聖本從緣道備知常住神全覺不眠求空為境
滅攝見逐窬穿塵界難容後僧祇未許先南宗

千苦息東渡一機傳珠網心燈燦虛堂慧鏡懸
迷方形所局離垢地何偏露竹依經藏烟松覆
講筵欲超非想處且悟徧光天繹緒探圖畫精
思續簡編寶坊歌舜日鰲極頌堯年智達維摩
岸星分太宰纏雨花來鶴馭溟浪挾鵬騫風動
雙旛影祥開七葉蓮高深原有限理俗始無詮
淨月情同契了波性湛圓喟然問瀾倒卓爾共
扶顛

題清時見一卷為太僕郭潑泉親家作
環姿凜冰操蘭佩結何遲履跡苔花古衡門松
色竒飡芝傳角里養性等希夷世際豐亨日風
高肥遯時自難縻好爵誰識利由頤摘藻尋幽
興還歌棫樸詩

五言古詩十六首

花朝邀友遊賞有感而作

泝氣徧東麓欣欣幽蘭榮酌彼松花醪而我暢

朋情浮觥既頽然大雅契同聲感時豈無賦仰
答造物衡遙頌 元后德叨際此昇平職方當
獎順烏敢求異鳴彈冠雖可尚貪泉為誰清深
谷有嘉材欲采阻修程皆言多雨露未聞及柴
荆君子托所喻惟望大道亨將鬚每遭累添足
終難行聯鑣極心賞奔景何停征

大暑前漫興

靜消煩暑卧繩床半捲簾幙披衣裳琴心坦坦

無何鄉欲寐不寐生清涼百骸舒暢無所防漱
液煉氣培元陽禮云齋戒守方將陶情怡志達
混茫渴飲露釀且榮腸適口焉用豐膏梁真樂
不在聲色行時時華藻聯文昌

隆慶歌追頌 聖政和栗太行判府來

韻

頌昌運兮仰於穆百辟修兮黔黎服四裔來廷
兮風塵逐曆數成兮神功速流虹卷兮識天地

先太白晝見兮望月跳躑歌訴有歸兮 聖哲
是傳奭旦受顧命兮保鴻圖于萬年逍遙遊兮
九關開輦馭剛風兮宴瑤臺大川泣兮靈嶽摧
雲沸鼎湖兮八荒含哀

春日贈孫肯堂侍御按潞

玄象肇時雍天經昭聖哲憲章周典申察案亦
英傑清廟頌太和萬彙榮春節攬轡下星樞振
紀芳華潔共守率由訓致祥贊鴻烈豺虎遠避

踪狐兔消餘孽載陽化日榮蘭芷俱承悅

夏日習靜不覺成睡偶題

勞勞機未停當午習忘形因之遂成寐勦斲若
雷霆息調火始滅危心亦稍寧昏燭既已散五
內皆清冷翛然解長笑恍惚將通靈至道詎云
陋所尚惟德馨

秋風高

秋風高時卷涼雲聲怒號振撼萬木皆凋騷鴻

東坡書院集卷九
鵠遠舉烟翮勞群動未息悲磬磬清商凝露無
宮徵頑陰雖開植物死運推政變及含齒俱從
蒙昧雜朱紫霜風所吹颯然秋寰中剔蕩元氣
收而將民俗比安流忘却仁義焉所由淹之歲
月能覆舟斯有良工棹輕楫風急帆微猶恐折
駑駘自豈飛黃列循率伸之乃重節養廉一夫
衆所悅鑿往知來必澄澈秋風高萬態隨治可
釐盡汗青難解筆如刀

雲液歌

壽內山裴宗伯

玄滑雲際生沆瀣洪濛遠潤旁無礙金母收來
玉鳳膏流珠映日飛丹霄星漢靈源出兩間响
噓山澤浮天關釀成八穀降天府一飲能令驅
赤虎少年學貫金閨客雄文璀璨驚蠻貊 帝
咨良弼維治化林泉高尚心寧暇知公詎羨簪
黻榮數辭 丹詔逾躬耕躬耕樂道材不凡聲
利何求輕子男分醉瑤池瑤液後童顏鶴髮躋

苑學書院集卷九
九
箕壽

初夏宴遊黃崖

飛旌登古剎，納屣躡飛虹。
飄然度林杪，颯爾凌天風。
縱目瞰松壑，歛袂排星空。
傾罇攄豪思，策杖蒼茫中。
磬傳清梵語，靜聽開癡聾。
留題讚靈跡，薄暮下高崇。

壽左鑑麓少叅母為識者所求作

明霞生春曉，堂萱花正鮮。
雲外下蕭史，鸞歌列

堦前酌此瑤池酒，怡壽無懷年。
丹桂結芳潤，香氣拂華筵。
萊彩悅未已，靈瑟引群仙。
相將雙紫鳳，萬舞何翩翩。

臨高城

臨高城時極目，一望平原萬寶熟。
淡靄薄山秋氣肅，水痕澄練金龍川。
鴈度遙空聲緩速，踈樹芙蓉生意微。
炊烟村落相叢簇，中條挿天長蛇連。
逶迤千里來北嶽，美景春更好古俗。
何惇朴

免學書院集 卷九
背倚太原肘京洛足履蒲津跨河朔憶往昔今
如昨上自唐虞幾封爵黎侯潞子皆茫茫人代
曾經屬沙漠遠山近水遶八維昕夕晴嵐通四
廓月夜憑虛奏玉簫非是緱山駐笙鶴紫雲應
瑞結飛輪奕世英踪猶炳灼蕭后乘王獬豸終
聖朝迅掃腥膻惡用夏變夷海宇清垂髮左衽
咸遵約九功攸敘仁政施嘉謨善治彌磅礴六
齋順軌坤靈安謳歌帝力逾鎬亳勝有漢武詠

德
橫汾揚波灑翰詎言樂中流鼓柁魏無識披堅
盈野將自惑峻坂羊腸勢雖險百王風教深於
德

清秋夜

美人顏悴青銅裂強對遙天笑明月兔魄初生
不為人愁腸九曲隨圓缺鏡光照破雙蛾眉疑
是清秋月有虧夜寒露滑徧衰草相向無言欲
恨誰投杼羅巾濕珠淚戶外促織難成寐疎桐

弄影意紛然時序逼來轉多愧

王馬策

良將懸玉策萬古執此道龍媒產渥洼來閉天
閑早終世無伯樂徒惟伏櫪老才因無地施轡
馭幾嘗曉泥途多蟾蜍奚曾辯騾裹步驟未超
俗寧比行雲杪居然混齷齪時情惡皦皦見才
不能重妬媚如腐草大器自知用回邪喜陰巧
妄加鞭策頻千里難馳騁一朝任騰踏金絡耀

神景詎云騏與駟甘委隸人窵物態有相似乃
幸之不幸達者勝有資先向群迷省

戒兒戲偶成

氣質漸已長性志將乖張造物本非偶汝心當
慎防頑戲墜清明惟勤深得良三餘加勉旃茅
塞莫自妨正此戒嗟蛇嚴命終勿忘

仙客篇

中秋後一日壽汾陽孔文谷方伯

天潢溶漾九秋裏素女凌波仙態美蓮舟玉笈

浮中流散綺晴霞紫桂蕊珠珮明璫搖步聲同
心縷帶結歡情昔年金榜耀春日浪煖桃花選
俊英又知少有謫仙興風度冷然才亦稱岳牧
九禩起瘡痍蒼生喜拜謝公乘一旦抽簪掛朝
冠三台八座心詎安清虛志在置塵外好服姮
娥却老丹戲舞筵前赤尾鳳九苞韻響笙簧弄
春遊仙館夏風松朝賞龜臺暮雲洞人生得意
未足饒忽傳露釀送鸞簫金膏已注紅顏少名

列長生絳節朝

寫懷

治亂各有漸至公在王道陰日常是多晴日常
是少青春能幾何不禁朱顏老

贈道人

手把琪花腰繫玉琳琅風送步虛曲天低雲乘
過滄瀛靈蘇烟惹霞衣綠碧眼童顏跨鶴仙問
予何日隱林泉巖前尚有枯棋在半粒丹砂世

已遷

秋雨歎

涼風颯颯連朝雨決壠迷田敗場圃三重已卷
屋上茅半獲餘禾入泥土數日微晞濕未乾且
刈且撥無茲苦貫錢覓傭功愈勤適際穹窿震
霆怒

昊天豈不憐蒼生蒼生造業如丘陵富室暴殄
及妻子囊橐有餘增驕矜貧窶無裾腹無食剥

膚赤足傍人憎君不見去古既遠氣澆漓鷙獸
為心鷓為願手中但得三合米痛酣尋閉誰敢
追如是鄉隣皆彼敵兄弟父子相凌欺平生不
識嘒嘒字猶說聞講學倫彛悖德謀克日恣肆
自罹刑械甘於飴又不見頭上蒼蒼似渾然福
善禍淫何嘗愆肯祥本自人心致砥柱誰能障
倒瀾滔滔四野如望洋輪蹄胥溺徒徬徨孤村
野店斷烟火仰呼義馭生輝光三嗟三嘆寄茲文志

欲為爾袪繁雲直字寧與仁人異晴霞高映開初
昕惟誠修德彌灾沴何必求占泥舊聞

五七言絕句四十六首

閒適

盆沼畜雙魚中植蒲與石游泳日千里微波揚
淺碧

和岳丈黃崖翁韻時遊宦商州

西望關門道路賒夕陽原上正飛花一聲羌笛

回春夢涼透櫻桃牕下紗

謁寢園

隧道逶迤隔翠微蒼松落落白雲扉玉魚何處
看顏色回首千山慘夕暉

秋雨

榴花已謝菊未吐寂寞小牕秋思苦引雛寒燕
空故巢幾葉芭蕉敲夜雨

春興

鶯聲啼倦風花暝草色青深烟雨和自入春來
無好况悠悠薄俗殫情多

立秋日遣懷

一葉新生朱戶涼蟬聲到處為誰忙晚來獨步
南城坳閑聽宮官說漢唐

和道人偶題

道味清冷性自安不愁人世雪霜寒三山住久
無冬夏博得玄珠象外看

和宗丈雲仙山行二首

為訪林棲叟何妨石逕長白雲生谷口處處藥
苗香

喬木踈秋色寒蛩雜暮蟬幽人晚無事洗耳石
溪邊

步虛詞二首

太素真人號玉仙時乘白鹿到塵寰興來拂袖
遊三島萬里剛風瞬息間

玉簡朝天午夜歸仙風飄動六銖衣近因玄圃
開芳宴金籙新傳入聖機

示懶上人

幻夢何須更着憐浪花雲影悟中天只消一箇
非非法不數沙塵滿大千

觀魚

雨餘沙皺綠日煖水痕明結珮將投餌遊魚聚
復驚

戲贈妃弟李恒齋和謝山人韻

秋日空傳釀黍香李郎久不泛流觴往時深愛
蘭亭醉巨斗猶嫌興未狂

和岑叔高秋積雨有懷謝山人茂秦

秋雨生寒羈思悲漳河雲樹雁書遲客牕幾箇
瀟瀟竹孤影燈前憶別時

賦得聞鶯送客

隔市炊烟曙色遲小城初霽客來時嬌鶯嚶嚶

啼芳樹不解春風有別離

寄懷張鳳臺參藩

一從梅雪對初筵兩度寒暄若夢還間闊而今
無可寄聊吟短句愧瑤篇

深秋夜雨

每因風雨值深秋忽感衷情倍黯愁蟋蟀床頭
太無似繁聲聒斷夢悠悠

鴈歸夜月

銀床秋老井梧稀月淨高天鴈影微萬古斷腸
皆有恨中宵風葉共魂飛

題扇畫長江獨釣圖

一葉扁舟萬頃波江風微動漾星河歸來獨卧
黃蘆岸不管群遊入網羅

中秋值雨登樓懷董大參李村

倚欄西望望并州憶昔離居思更稠白鴈南翔
書未至淡雲疎雨度中秋

禪關寒夕和呂山人韻

寄足禪林夜掩扉
河山梅雪擁寒衣
旅眠殘月窺書几
好待江關一鴈飛

九日感懷和茂秦病中韻

愁中落木轉淒涼
病體支吾在異鄉
詎為驅馳成老大
又騎瘦馬渡汾陽

臘日咏梅

迎臘移來嶺畔花
孤芳清壓衆名葩
時流空自

珍桃李不識牕前帶月斜

秋閨

寒衣欲寄絕鴻飛
搗練深閨力更微
秋半長城多雪霰
知君何日凱歌歸

重九前十日見菊憶詩詞衆門客二首

禮士開東館論交定
古今忽驚寒菊放
聊憶客牕琴

梁館延文客還多贈
遠遊相思經歲月
况復菊

花秋

秋夜獨立

羅衣入夜不勝寒為愛蟾光更倚欄
萬籟無聲秋寂寂閒階孤鶴許相看

暮春寄懷柱史劉紫山

悵望春山阻故知鶯啼花老動離思
青驄近喜朝天去肯念蘭交醉後時

懷範溪鄭憲副時督武懷來二首

雲山萬疊路迢迢伐木聲繁客思饒
知是燕然今勒石驕胡遠遁塞塵銷
北門壯鑰借雄圖時與山靈拱帝都
星劍拂霜邊日冷終宵紆策氣吞胡

春曉

牕外春寒一夜生曉來風色轉無情
鳥聲低過花零落枕上莊周夢不成

臈後見殘月偶興

銀箭初傳二鼓天月華半缺兩分弦牕前且對
殘光醉待得重圓又一年

看山

地僻蒼崖靜風吹老樹鳴雲霞時出沒景物各
生情

冬夜

蘭齋冷落掩重扉鳳曆驚看歲欲歸玄悟未成
人漸老百年幻蝶夢中飛

夜坐有所思二首

明河如練隔三星今夜靈槎何處停欲訪君平
問消息人間天上杳冥冥
半掩雲屏半倚床銀河影淡月生光清宵忽憶
當年事一任靈槎泛杳茫

吹笛偶題

夜永金壺月未生輕吹短笛和鸞笙隔牕恍惚
江梅落十月春光霜正清

先學書院集 卷九
三十一
早秋寄懷太原二守李環洲二首

埤梧落葉再逢秋倚杖看雲思未休杳杳關河
音問少南征旅雁為誰留

鸚鵡洲前宿雨涼美人猶着薜蘿裳公餘散帙
期相晤好對清樽賦晚芳

晚秋值雪二首

昨夜霏霏雨翻成削玉花淒其不可盡白鴈下
平沙

石冷雲根迸天寒木葉稀為邀青女駕細剪六
花飛

秋閨怨四首

入夜涼風急遙天閣夕陰蒼林悲淅颯况復草
虫吟

燕鴈歸何處重門繫遠思誰家樓上笛莫吹斷
腸辭

搗練悲秦月聞歌度楚風可憐雙鴈影不與妾

心同

井梧秋復老誰念別離情日日西風起難傳搗
練聲

潘國勉學書院集卷九終

